

बच्चन के ले बाइबिल
देत है

यिर्मयाह आंसुन
बालो आदमी



द्वारा लिखत: Edward Hughes

द्वारा चित्र: Jonathan Hay
Alastair Paterson

द्वारा अनुकूल: Mary-Anne S.

द्वारा अनुवाद करो गयो:

द्वारा बनाओ: Bible for Children
www.M1914.org


©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



यिर्मयाह यहूदा के राज मा एक धार्मिक घर मा पइदा भौ हतो। बाको बापु हिल्कियाह, जो एकु पुजारी हतो। बाको परिवारु अनातोत नाउ के एक शहर मा रहति हतो जो यरूशलेम से कछु दूरि पर हइ। शायद यिर्मयाह के आम्मा बाप सोचत हुइहीं; बोहो एकु पुजारी बनि जइ। लेकिन परमेश्वर के तीर कछु दूसरो जतनु हतो।





यिर्मयाह के पइदा होन के समय मा लोग परमेश्वर के वचन के हिसाब से नाइ जियत हते। लगभग हरि कोई, राजा से लईके सबसे विनम्र कार्यकर्ता तक, झूठे देवतन की पूजा कत हते – हिंआं तक कि उनके पवित्र मंदिर तक मा!




जब यिर्मयाह एक
नौजवान हुई गओ,
परमेश्वर ने बासे
बात करी। “हम
तुमइ, तुमारे पइदा
होन से पहिले तुमइं
जान्त हंइ,” परमेश्वर ने यिर्मयाह से कही, “अउरु तब
हमने जउ जतनु बनाओ कि तुम हमारे लै बातइं करऊ।”



परमेश्वर के बुलाउन से शायद यिर्मयाह कौ डरु लगन लगो हुइही। “हे प्रभू परमेश्वर!” बाने पुकारि के कही। “हम ता खाली एक बच्चा हंड, हम बात नाइ करि पइहीं।” बउ एक बच्चा के मुकाबले बड़ो हतो - बउ बा समय मा बीस साल को हतो। लेकिन यिर्मयाह कौ लगति हतो कि

दुष्टता के खिलाप परमेश्वर के लै लोगन कौ चितउनी नाइ दइ सकति हतो।



“ना डराऊ” परमेश्वर ने यिर्मयाह से कही। “जहाँ
कहाँ हम तुमइ पठई, तुम हुआ जाउ। जो कुछ हम
तुमइ कहन के लै कहत
हंइ तुम कहउ।

हम तुमारे
संग हंइ अउरु
हम तुमइं बचइहीं।”
तब परमेश्वर ने कछु
खास करो। परमेश्वर ने
यिर्मयाह के मुंह कौ छुओ।



परमेश्वर ने यिर्मयाह कौ शक्ति हिम्मति अउरु बुद्धि दर्ई। बाने हिम्मति से, लोगन कौ बताई कि परमेश्वर उनइ प्रेमु कत्ति हइ अउरु उनकी मदति करिबो चांहति हइ। लेकिन काऊ ने बाकी नाइ सुनी। राजा नेउ नाइ सुनी।



हिंआ तक कि पुजारिन ने तक गुस्सा करी अउरु परमेश्वर के बारे मा सुनन से मना करि दर्ई। झूठे भविष्यवक्ता लोगन ने यिर्मयाह के बारे मा कही कि बउ सांची नाइ कहति हइ।



यिर्मयाह ने लोगन को याद दिलाई कि सौ साल पहिले इस्राएल के उत्तर के राज्य परमेश्वर को भूलि गये हते। उनके दुश्मन, अशशूरी लोगन ने, उन पर जीति हासिल करी अउरु उन सब इस्राएलिन को दूरि देश को लइके चले गये।





अब यहूदा के दक्षिन
राज्य के लोगन ने,
परमेश्वर कौ छोड़ि दौ
हतो। दुश्मन सेना पहिलेइ
आई चुकी हती! का
परमेश्वर फेरि से अपने
लोगन कौ जितइ या
गुलामी मा जान दिही?



लोगन ने अपनी मूर्तिन पर भरोसो करो। का मूर्ति उनइ उनके दुश्मनन से बचाई सकतीं हइं? नाइ! केवल परेश्वर ही उनइ बचाई सकत हइं। लोग यिर्मयाह पर इत्तो गुस्सा हुई गये, कि बई बाई मरि डान्न की सोचन लगे। लेकिन परमेश्वर ने अपने सेवक कौ बचाओ।



बादि मा, परमेश्वर ने
यिर्मयाह कौ कछु अइसी
चंउकाइ देन बाली बातइं
बताई। परमेश्वर ने कही,
“इन लोगन के लै दुआ ना
करउ। बइ जब मदति के लै
हमइ पुकरिहीं तब हम
उनकी नाइ सुनिहीं।”




यिर्मयाह ने राजा कौ
चितउनी दइ कि बउ
बाबुल की सेना के संग
लड़ाई मा हारि जइ। राजा
गुस्सा भौ अउरु यिर्मयाह
कौ जेलि मा बंद करबाइ
दौ। हिंआ तक कि जेलउ
मा, यिर्मयाह ने परमेश्वर
पर भरोसो करो अउरु
उनकी बातइं चालू राखीं।



जेल से निकल के बाद यिर्मयाह
ने फेरि से राजा अउरु लोगन के
लै प्रचारु करो कि बड़ परमेश्वर
के तीर बापिस आई जाइ अउरु
बा पर भरोसो करइं। जा दांउ,
राजा ने यिर्मयाह कौ एक गहिरे
गंदे कुंआ मा
डारि दौ।



लेकिन परमेश्वर राजा के दिल मा कामु कत्त हते। बाने चुप्पा से यिर्मयाह कौ बचाओ अउरु पूछो कि परमेश्वर का चांहत हंड कि राजा करइ। यिर्मयाह ने कही, “तुम अपने आप कौ समर्पित करिके गुलामी मा चले जाऊ, अउरु परमेशर तुमसे कहति हइ कि तुम जिंदा रहिअउ।”



बेबीलोन की सेना ने पूरे यरूशलेम अउरु यहूदा
के सब कुछ कौ जीति लौ। उन्ने दिवालन कौ
अउरु सब मंदिरन कौ नाशु करि दौ जराई दौ।
परमेश्वर ने कही कि उनके लोगन कौ सत्तरि
साल के लै गुलामी मा रहिबे हुइही,
अउरु तब फेरि हम उनइ
बाइदा के देश मा बापिस
लइ के अइहीं।



यिर्मयाह आंसुन बालो आदमी
परमेश्वर के वच्चन से बाइबिल की एक कहानी
में पायी जाती है

यिर्मयाह

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

